



Brail - local d'immundizchas - montascha camera

Daspö l'introducziun dal ramassamaint da plastic saja a Brail la problematica chi vain büttà il rument da plastic singul e na aint ils sachs. La suprastanza cumünala ha decis da montar il chasin da rument üna camera per la survaglianza.

ZE2020 - schlargiamaint dal proget sün tuot las fracziuns

Sün proposta da la cumischion Zernez Energia 2020 ha la suprastanza decis da vulair schlargiar il proget ZE2020 chi riguarda il sustegn finanziel per masüras energeticas e per prümas cussagliaziuns eir süllas ulteriuras fracziuns dal Cumün da Zernez. Il schlargiamaint sto gnir acconsenti da la radunanza cumünala e dess entrar in vigur süls 1-1-2023.

Forz'electricca - definiziun "contribuziun al man public" per l'on 2022

Minch'on ston ils cumüns definir l'import chi vain indemnisà pels drets da passagi/transport d'energia, la „contribuziun al man public“. Quista nun es e nu sto esser per mincha fracziun identica, eir scha sün lunga vista fessa sen d'armonisar eir quist import.

La suprastanza cumünala ha decis da definir eir pel 2022 quista contribuziun sco segua:

Zernez	2.1 rps/ukw	(0.6 rps + 1.5 rps per Zernez Energia 2020)
Brail	0.6 rps/ukw	
Susch	0.6 rps/ukw	
Lavin	0.6 rps/ukw	

Regulaziun da trafic a Susch - stà 2021

L'Uffizi da construcziun bassa ha fat la proposta d'improvar a megliorar la situaziun da trafic tras Susch cun cadets da trafic. La regulaziun dal trafic dess gnir fatta d'urant las fin d'eivnas ils mais lügl ed avuost 2021. Il gremi respunsabel ha acconsenti la dumonda per quist proget.

Radunanza cumünala - tractandas provisoriccas dals 23 avuost 2021

Causa cha las tractandas previsas per la radunanza cumünala dals 23 avuost 2021 nu sun amo prontas fin a quel di ha la suprastanza cumünala decis da spostar quella süls 7 october 2021.

Persunal

Principi settember cumainza Erich Sulser da Cuaira, sco nouv manader da finanzas e commember da la direcziun operativa, sia piazza da lavur pro'l Cumün da Zernez. Erich Sulser rimpiazza l'ingaschamaint dal collavuratur Jean Pierrick Bergamin chi banduna la secziun da finanzas sülla fin da settember 2021.